

Atención a la diversidad

Actividades de refuerzo

(P. 97-99) Leer pa entender

1. Llei la llectura en silenciu.
2. Inventa enunciaos coles palabres qu'apaecen nes *Pingarates léxiques* y anótalos na llibreta. Usa'l diccionariu.

Exemplu: *gafura*

Hinchóse-y un brazu pola mor de la gafura d'una mordedura de culiebra.

3. Copia'l cantar *Calentures máxiques* na llibreta y ilústralu.
4. Busca nel diccionariu les palabres que nun conozas o entruiga al profesor/a
5. Escribi los párrafos que te paezan más significativos pa espeyar el conteníu del testu de la llectura.
6. Fai un dibuxu que t'inspire'l testu.

(P. 100 - 105) Falamos y escribimos

1. Recorta una noticia d'un periódicu n'asturianu y apiégala na llibreta. Escribi les partes de que consta.
2. Copia les preguntes a les que tien que responder una noticia pa danos una información completa: les 6W.
3. Resumi'l conteníu del testu *Sustu nes piragües*.
4. Recorta noticies del periódicu o copia d'Internet, de la sección de socesos y de la sección de deportes, y apiégales na llibreta clasificaes.

(P. 108 - 109) Ortografía

1. Continúa estes oraciones procurando meter más contracciones. Repasa'l cuadru de la p. 108 del llibru de testu.

Tolos díes voi *col* mio amigu Carlos.....

Pela tarde voi dir al cine *colos* mios.....

Pela mañana vamos dir xuntar lleña pa la.....

2. Enllena los furacos coles contracciones que falten:

Ta *tol* día naguando porque lleguen les fiestes.

.....patiu del centru hai abondos bancos.....asientu estrozáu y despintaos.

Los banderinos taben moyaos.....agua d'estos últimos díes.

Diben pa la mesa.....comida.....platos y zapicaron.....borde la cera.

3. Escribi equí les contracciones qu'hai nes oraciones separtando los sos componentes:

Tol = tou + el

(P. 110 - 111) Averámonos a la Lliteratura

1. Inventa un diálogu ente dos personaxes que tenga que ver coles comiés festives. Tien que tener polo menos diez entraes. Pon-y dalguna acotación. Nun t'escaezas que s'escriben ente paréntesis.
2. Pon-y un títulu al diálogu qu'escribisti. Puedes consultar el fragmentu que tienes nel llibru de testu.
3. Escribi un cartel anunciando la puesta n'escena d'una obra de teatru. Nun t'escaezas de poner datos como: títulu, sitiú y llugar onde se va representar, día, hora, compañía, actores y dalgún eslogan invitando a asistir. Puedes ilustralu con dalgún dibuxu que tenga que ver col títulu.

(P. 112 - 113) Llingua y sociedá

1. Copia los refranes que tienes na p. 112.
2. Escribi dalguna situación onde puedas aplicar dalgún d'estos refranes. Por exemplu:

El que va de romería, pésa-y al otru día

Ana nun se podía llevar de la cama porque viniera mui tarde de la verbena. Díxo-y so ma: «El que va de romería, pésa-y al otru día».